

АКАФИСТ ПРЕСВЯТОЙ БОГОРОДИЦЕ В ЧЕСТЬ ЧУДОТВОРНОЙ ИКОНЫ ИВЕРСКОЙ

Кондак 1

Гзбанной Воеводе, Владычице нашей Богородице, похвальна пения приносим Ти раби Твои, яко пришествием честнаго образа Твоего стяжавший щит крепкий, стёну необоримую и стражу неусыпна. Ты же, яко имущая державу непобедимую, покрый и защити нас, Владычице, от всех врагов видимых и невидимых и избáви от всякого вреда, душевного и телесного, да зовем Ти: Радуйся, благая Вратарнице, двери райского верным отверзающая.

Икос 1

Ангел предстатель послан бысть рещи Богородице, егда паде Ей жребий апостольского служения в земли Иверстей: не разлучайся Иерусалима, жребий же, Тебе падший, просветится в последния дни, Ты же имаши потрудитися в земли, юже (*которую*) Тебе Бог изволит.

Темже радуйся, Еюже Евангелие благовестится;
Радуйся, Еюже идольская прелесть упразднится.
Радуйся, Еюже власть князя тьмы разрушится;
Радуйся, Еюже Царство Христово утвердится.
Радуйся, падших во тьму идолослужения к свету
 Евангелия возвзвание;
Радуйся, от рабства диаволу, в свободу славы чад
 Божиих приведение.
Радуйся, готовая Служительнице Сына Своего и
 Бога;

Радуйся, послушанием преслушание Евы
исцеляющая.

Радуйся, высото добродетелей;
Радуйся, глубино смиренномудрия.

Радуйся, Еюже невернии познают Творца;
Радуйся, Еюже вернии усыновляются Отцу.
Радуйся, благая Вратарнице, двери райскихия верным
отверзающая.

Кондак 2

Гидящи Святая Дева дивное и новое о Себе
промышление Божие, яко Раба Господня, присно
готовая творити волю Его, возопи: Аллилуия.

Икос 2

Газум недоразумеваемый глагола ангельского
разумен Тебе, Пречистая, творя Господь, управи
шествие Твое к горе Афонстей, идеже проповедася
Тобою Евангелие, и тако явися жребий Твой. Мы же
радостно вопием:

Радуйся, освятившая Афон Своим пришествием;
Радуйся, низложившая тамо идолов.
Радуйся, насадившая тамо веру истинную;
Радуйся, неверие отгнавшая.
Радуйся, в жребий Себе гору сию избравшая;
Радуйся, благодать сему месту обещавшая.
Радуйся, верным, живущим в ней, Подательнице
земных благ;
Радуйся, Споручнице вечного их спасения.
Радуйся, теплая Ходатаице о живущих в жребии
Твоем;
Радуйся, всех врагов их устрашение.

Радуйся, милость Сына Своего до скончания века
месту сему обещавшая;

Радуйся, благодать Его неотступною быти
предрекшая.

Радуйся, благая Вратарнице, двери райских верным
отверзающая.

Кондак 3

Сила Вышняго заступлением Богоматере осени
Святую гору и удолия и дебри ея яко село
пространное показа всем в иночестей жизни
хотящим жати спасение, внегда пети сице: Аллилуиа.

Икос 3

Имущи промышление о жребии Своем, людех
Иверских земли, устроила еси в месте, идеже
Сама к Афону пристала еси, обитель роду их, в
тихое пристанище ищущим спасения, хотящи даровати
ей в щит и ограждение икону Свою, да вси взывают:

Радуйся, пославшая проповедницу Евангелия в
землю Иверскую;

Радуйся, обратившая сию страну от прелести
идольствей к свету Христову.

Радуйся, отрасли неувядаемыя розго, дивную лозу
Нине даровавшая;

Радуйся, от нея произрастившая гроздие чудес и
благия веры.

Радуйся, сад духовный на Афоне насадившая;

Радуйся, струю из него просвещения духовнаго
стране Иверстей источившая.

Радуйся, Евфимия златословесная уста;

Радуйся, Торникия непобедимая крепосте.

Радуйся, всех благочестивых укрепление;

Радуйся, иноков ограждение.

Радуйся, тихое пристанище ищущих спасения;
Радуйся, вечный покой им уготовляющая.
Радуйся, благая Вратарнице, двери райского верным
отверзающая.

Кондак 4

Бурю внутрь имущи помышлений сумнительных,
честная вдовица, яже в Никее, смятесь, зрящи
копием воина-иконоборца прободену святыю и
чтимую икону Богоматере и абие источившу кровь и,
страхом обдержима, да не поругана будет святая икона,
с молитвою слезоточащи вверже ю в море. Увидевши
же ю прямо верху воды путь творящу и текущу к
Западу, возопи с веселием: Аллилуя.

Икос 4

Гидеша иноцы Святыя горы явльшийся в мори яко
пламень, яко столп огнен, егоже верх досязаше
небеси, яко солнце сияющее, и в нощи притекоша
к краю моря и, видевше святую икону Богоматере, по
морю носимую силою свыше, возопиша Благодатней:

Радуйся, Купино, законоположником предзримая;
Радуйся, столпе огненный, наставляй сущия во
тьме.

Радуйся, лествице, досязающая до Небес, еюже
сниде Бог;

Радуйся, мосте, преводяй сущих от земли на Небо.

Радуйся, заре таинственного дне;

Радуйся, Звездо, являющая Солнце.

Радуйся, Свет Неизреченный родившая;

Радуйся, еже како ни единаго же научившая.

Радуйся, облеченная в солнце, сияющая благодатию
и славою всей вселенней;

Радуйся, молние, души просвещающая и верных
смыслы озаряющая.

Радуйся, светлосте, во тьме светящая;

Радуйся, яко многосветлое возсияваеши
просвещение.

Радуйся, благая Вратарнице, двери райских верным
отверзающая.

Кондак 5

Боготечную икону Свою дати хотящи Иверстей
обители, рекла еси, Богомати, преподобному
Гавриилу: иди с лицом иноков к берегу моря, снidi
в пучину и приими икону Мою. Он же, верою и
любовию окриляемъ, по воде, аки по суху, ходя, прият
ю во объятия своя и, достиг сокровища, иным
недостижимаго, в достояние иноков рода своего
иверского, веселяся пояше: Аллилуиа.

Икос 5

Идеша иноцы иверстии многажды икону
Богоматере из храма в верху врат монастырских
на стену града незримою силою изнесенную,
ужасахуся и стояху, зовуще к ней таковая:

Радуйся, святую икону дати нам изволившая;

Радуйся, покров ея быти нам обещавшая.

Радуйся, любовь Твою к обители нашей показавшая;

Радуйся, благое о ней промышление явившая.

Радуйся, помощь наша в чуждей стране;

Радуйся, в странствии нашем утешение.

Радуйся, Божие к нам благоволение;

Радуйся, наше к Богу дерзновение.

Радуйся, слез наших избавление;

Радуйся, сирых нас Зашитнице.

Радуйся, ограждение наше;
Радуйся, едина Радосте наша.
Радуйся, благая Вратарнице, двери райского верным
отверзающая.

Кондак 6

Проповедника творящи Гавриила воли Своей, рекла
еси к нему, Владычице: не приидох хранима быти
от вас, но да буду Аз Хранительница ваша не
токмо в настоящем, но и в будущем веце. Се даю вам
знамение: дондеже зрите в монастыре икону Мою, не
оскудеет вам благодать Сына Моего и милость, да
вопиют Ему вси: Аллилуия.

Икос 6

Гозсия радость вёлия слышавшим Твоя, Богомати,
обетования, и Тебе, Небесней Вратарнице, храм на
вратех обители с веселием иноцы воздвигоша и
возопиша тако:

Радуйся, Хранительнице наша в настоящем веце;
Радуйся, Предстательнице наша в будущем.
Радуйся, страху Божию нас научающая;
Радуйся, на путь добродетели наставляющая.
Радуйся, дерзновение наше и надеждо;
Радуйся, упование наше и покров.
Радуйся, благоутробие Сына Своего к нам
приклонившая;
Радуйся, благодать Его неоскудно пребывати с нами
возвещающая.
Радуйся, святую икону залогом милости давшая;
Радуйся, дар чудодействия ей даровавшая.
Радуйся, прилог всякаго зла от обители
отражающая;

Радуйся, всему благому вход отверзающая.

Радуйся, благая Вратарнице, двери райских верным
отверзающая.

Кондак 7

Хотяющу иногда злочестивому Амире обитель Иверскую разорити и стадо иноков, тамо собранное, разсеяти, скоро позна крепкое обители заступление от Богоматере, увидев корабли своя в пучине моря погрязшия и ратники изгибшия. И пришед со смирением, сребро и злато в обитель даяше, молитвы прося. Иноцы же, видевше сия, возопиша к Богу: Аллилуия.

Икос 7

Повыя и безчисленныя чудеса показа Богоматерь, в обители оскудение вина, муки и елея восполняющи, бесныя исцеляющи, хромым хождение дарующи, слепым прозрение и всяк недуг врачающи, да, видяще чудеса сия, воспеваают Тебе:

Радуйся, Взранная Воеводо, враги побеждающая;

Радуйся, скорая на помощь призывающим Тя.

Радуйся, не презирающая моления нашего;

Радуйся, обещания Своего не отступающая.

Радуйся, скорбь обители в радость претворяющая;

Радуйся, оскудение обители восполняющая.

Радуйся, слепых прозрение;

Радуйся, хромых хождение.

Радуйся, всех немощных Целительнице;

Радуйся, всех скорбных Утешительнице.

Радуйся, яко не престаёши промышляющи и спасающи нас;

Радуйся, яко от толиких бед избавляющи нас.

Радуйся, благая Вратарнице, двери райского верным
отверзающая.

Кондак 8

Странно покрываемую от иконы Богоматере
обитель Иверскую слышав Патриарх Никон,
вожделе и Российской стране благодати Ея
стяжати причастие; сего ради, создав обитель в честь
славного образа, со тщанием испроси изображение
чудотворного образа Богоматере, да, покровом Ея
защищаеми, вопиют Богу: Аллилуя.

Икос 8

Гся суши в Вышних, но и низких не отступающи,
благоизволила еси, Богомати, якоже древле
преподобному Антонию даровася благословение
горы Афонской на утверждение обители Печерская,
даровати и новой обители в стране Российской
благодать Свою, юже благословила еси Афон, в
подобии честнаго образа Твоего; темже взываем Ти:

Радуйся, страны Российской покрове, ширший
облака;

Радуйся, православныя веры в ней ограждение и
утверждение.

Радуйся, Православныя Церкве непоколебимый
столпе;

Радуйся, ересей и расколов обличение.

Радуйся, светлыми лучами чудотворных икон всю
страну озаряющая;

Радуйся, дары исцелений и милостей от них
источающая.

Радуйся, врагов устрашение;

Радуйся, святителей веселье.

Радуйся, иереев похвало;

Радуйся, иноков Наставнице.

Радуйся, всего рода нашего спасение.

Радуйся, благая Вратарнице, двери райских верным
отверзающая.

Кондак 9

Гсяко тщание имуще о написании честнаго образа милостивыя Вратарницы, сонм постников иверских молебныя пения совершает; водою от чудныя иконы омывает дску, на нейже имать изобразитися честный образ, и преподобнаго Иамвлиха освящает, иже подвизався в посте, молитве и бдении со всею братиею, списка вапы (*написал красками*), святою водою и мощами освященными честное изображение Богоматере, выну (*всегда*) моляся и вопия Богу: Аллилуиа.

Икос 9

Гетия многовещаныя, яко рыбы безгласныя, видим о Тебе, Богородице: недоумеют бо, како по достоинству похвалити вся чудеса Твоя, явленная роду нашему от святыя Твоего иконы: еще бо на пути в Российскую страну сия чудодействоваше, благочестивому Мануилу повелевая выкуп дати неверным, возбраняющим шествие святыя иконы в страну Русскую, и сугубо ему послежде отдавши. Мы же, дивящеся, верно вопием Ти:

Радуйся, источниче чудес неисчерпаемый;

Радуйся, всякия милости Подательнице.

Радуйся, всегда теплая о нас Ходатаице к Богу;

Радуйся, промышления Его о нас сокровище.

Радуйся, сущим в бедах прибежище;

Радуйся, скорбящих утешение.

Радуйся, больных исцеление;

Радуйся, немощных укрепление.

Радуйся, вдов заступление;
Радуйся, сиротствующих милосердая Мати.
Радуйся, заблуждающих на путь истины обращение;
Радуйся, грешников к покаянию возвзвание.
Радуйся, благая Вратарнице, двери райского верным
отверзающая.

Кондак 10

Гности хотящи многия люди от бед и скорбей,
источаеши, Богомати, неоскудный источник
милости от Своей иконы роду нашему: се бо и в
столичном граде Москве благая Вратарница являешися
всем поклоняющимся Тебе, скорое вспоможение
подавающи, и в новой обители Иверстей благодати
струи от иконы Твоей испущаеши, и во иных градех,
обителех и весех чтущим Тя полезное прошение
исполняющи. Темже, прославляя Бога, давшаго нам
благодать таковую, вопием Ему: Аллилуя.

Икос 10

Гтена еси иноческому чину, Богородице, и всем, к
Тебе прибегающим; ибо Небесе и земли Творец,
вселься в девственней утробе Твой, научи всех
чистоты и целомудрия ревнителей возглашати Тебе:

Радуйся, девства сосуде избранный;
Радуйся, чистейший образе целомудрия.
Радуйся, чертоже безсеменного уневещения;
Радуйся, Невесто Неневестная.
Радуйся, Сеятеля чистоты рождшая;
Радуйся, верных Господеви сочетавшая.
Радуйся, в бури искушений скорая Помощница;
Радуйся, прилоги врага отражающая.
Радуйся, мглу душевредных страстей отгоняющая;

Радуйся, помыслы очищающая.
Радуйся, земныя сласти презирати научающая;
Радуйся, к горнему умы и сердца направляющая.
Радуйся, благая Вратарнице, двери райских верным
отверзающая.

Кондак 11

Пение всякое побеждается, спростретися тщающееся
ко множеству многих щедрот Твоих:
равночисленная бо песка песни аще приносим Ти,
Владычице наша Богородице, ничтоже совершаем
достойно, яже подаваеши нам, о Тебе вопиющим:
Аллилуия.

Икос 11

Светоприемную свещу, сущим во тьме бед
явльшуюся, зrim святую икону Богоматере:
невещественный бо огнь благодати приемлющи,
лучами чудес всех озаряет, научающи сице взвывать
Благословенней:

Радуйся, во всяких нуждах скорое вспоможение;
Радуйся, в печалех быстрое услышание.
Радуйся, от огня, меча и нашествия иноплеменных
нас избавляющая;
Радуйся, от глада и напрасныя смерти нас
свобождающая.
Радуйся, от язвы и всегубительства смертного нас
соблюдающая;
Радуйся, бедствующим в пути, на суше и на водах
внезапное вспоможение.
Радуйся, язв душевых и телесных врачевание;
Радуйся, оставленных врачами в Свои руки
приемлющая.

Радуйся, милосердая Утешительнице всех
скорбящих и обремененных;

Радуйся, не отвергающая всех презренных и
отверженных.

Радуйся, самых отчаянных из рова погибели
исхищающая;

Радуйся, и мене, обнаженного добрых дел, не
оставляющая Своим покровом и заступлением.

Радуйся, благая Вратарнице, двери райских верным
отверзающая.

Кондак 12

Благодать дати восхотев долгов древних, всех
долгов Решитель человеком, прииде Собою ко
отшедшим Того благодати и, раздрав
рукописание, дарова нам крепкое Богоблагодатныя
ходатайство, да вопием вси молитвами Ея: Аллилуия.

Икос 12

Поюще Твоя чудеса, являемая нам в жизни сей,
хвалим Тя, Богородице, яко милости источник
неисчерпаемый. Но, припадающе к Тебе пред
чудотворною иконою Твою, молим Тя смиленно, буди
нам покров и защищение и в день кончины нашея, и
егда имамы предстati на суд страшному престолу
Сына Твоего, да вопием ти:

Радуйся, во славе приседящая престолу Сына Твоего
и тамо нас воспоминающая;

Радуйся, с Сыном Твоим и Богом вечно
царствующая и о нас ходатайствующая.

Радуйся, уповающим на Тя конец живота
непостыден дарующая;

Радуйся, безболезненнную и мирную кончину
устраивающая.

Радуйся, мытарств горьких избавление;
Радуйся, от власти князя воздушного свободжение.
Радуйся, грехов наших непоминование;
Радуйся, по Господе упование нам блаженныя
жизни.

Радуйся, уповающим на тя одесную Сына Твоего
стояние устрояющая;

Радуйся, блаженного гласа Онаго, Небеснаго
Царствия наследие обещающаго, слышати
сподобляющая.

Радуйся, благая Мати, всех чтущих Тя жити с Собою
вселяющая;

Радуйся, крепкая надеждо вечнаго спасения всем
христианом.

Радуйся, благая Вратарнице, двери райских верным
отверзающая.

Кондак 13

О Всепетая Мати, Пресвятая Госпоже Дево
Богородице! Призри на нас, приносящих
смиренно со слезами малыя сия молитвы пред
пречистым Твоим образом и все упование и надежду
возложивших на Тя, и избави нас всех бед и напастей в
животе сем и будущия изми муки, да спасаемии Тобою,
вопием выну: Аллилуиа.

*(Кондак 13 читается 3 раза,
затем Икос 1 и Кондак 1)*

МОЛИТВА КО ПРЕСВЯТЕЙ БОГОРОДИЦЕ

О Пресвятая Дево, Мати Господа, Царице Небесе и земли! Вонми многоболезненному вздоханию душ наших, призри с высоты святыя Твоя на нас, с верою и любовию покланяющихся пречистому образу Твоему. Се бо, грехми погружаемии и скорбьми обуреваемии, взирающе на Твой образ яко живей Ти сущей с нами, приносим смиренная моления наша. Не имамы бо ни иных помощи, ни иного представительства, ни утешения, токмо Тебе, о Мати всех скорбящих и обремененных! Помози нам, немощным, утоли скорбь нашу, настави на путь правый нас, заблуждающих, уврачуй и спаси безнадежных, даруй нам прочее время живота нашего в мире и тишине проводити, подаждь христианскую кончину и на Страшнем суде Сына Твоего явися нам милосердая Заступница, да всегда поем, величаем и славим Тя, яко благую Заступницу рода христианского, со всеми угодившими Богу. Аминь.